



Broj: 02-04-8008-2/23
Sarajevo, 28.03.2023. godine

PREDSJEDAVALJUĆI SKUPŠTINE KANTONA SARAJEVO

PREDMET: Stav na amandman na prijedlog Odluke o davanju saglasnosti na Financijski plan Zavoda zdravstvenog osiguranja Kantona Sarajevo za 2023. godinu

Na **prvoj vanrednoj** sjednici Vlade Kantona Sarajevo održanoj **28.03.2023.** godine, a u funkciji pripreme **6.** Radne sjednice Skupštine Kantona Sarajevo, razmatran je amandman kluba zastupnika u Skupštini Kantona Sarajevo po materijalu koji se nalazi na dnevnom redu navedene sjednice, i to:

1. Amandman Fatime Gavrankapetanović-Smailbegović, zastupnice Stranke za BiH u Skupštini Kantona Sarajevo

Nakon razmatranja amandmana zastupnice u Skupštini Kantona Sarajevo, Vlada Kantona Sarajevo zauzela je sljedeći

S T A V

I AMANDMAN ZASTUPNICE STRANKE ZA BIH FATIME GAVRANKAPETANOVIĆ-SMAILBEGOVIĆ U SKUPŠTINI KANTONA SARAJEVO

1.1. Amandmani na prijedlog Odluke o davanju saglasnosti na Financijski plan Zavoda zdravstvenog osiguranja Kantona Sarajevo za 2023. godinu

A M A N D M A N I

Da se za 552.000 KM umanjí pozicija 2.4.6. koja se odnosi na „Naknade za dežurne apoteke“, a da se taj iznos sredstava (552.000 KM) prebace na poziciju 2.4.4. „Lijekovi po posebnim programima“ na ime financiranja nabavke biološke terapije i programa liječenja osoba oboljelih od reumatoidnog artritisa koje su na listi čekanja za biološku terapiju

O b r a z l o ž e n j e

Financijskim planom Zavoda zdravstvenog osiguranja Kantona Sarajevo već se financira 9 dežurnih apoteka.

Za financiranje još 2 dodatne dežurne apoteke planirano je dodatnih 552.000 KM za 2023. godinu, što je nepotrebno i nije prioritet u financiranju u odnosu na druge potrebe koje su izostavljene ili su nedovoljno obuhvaćene Financijskim planom ZZO KS za 2023. godinu.



Sa druge strane velike su i izražene potrebe za proširenje programa liječenja osoba oboljelih od reumatoidnog artritisa koje su na listi čekanja za biološku terapiju.

Takvih osoba je na području Kantona Sarajevo oko 50, a nedostatak sredstava za njihovo liječenje se iskazuje već godinama kao problem u financiranju putem Zavoda zdravstvenog osiguranja Kantona Sarajevo.

Važno je napomenuti da se radi o više nego opravdanoj molbi i zahtjevu oboljelih od ove teške bolesti. Napominjem da je ovaj prijedlog i suština amandmana podržana i jednoglasnim zaključkom nadležne Komisije za zaštitu javnog zdravlja, sanitarnu zaštitu i zaštitu stanovništva Skupštine KS, prilikom razmatranja Financijskog plana Zavoda zdravstvenog osiguranja Kantona Sarajevo za 2023. godinu, kojom prilikom je Komisija analizirala ovo pitanje, te jednoglasno usvojila Prijedlog Financijskog plana uz zaključak da je neophodno obezbijediti sredstva za oboljele od reumatoidnog artritisa, koje su na listi čekanja za biološku terapiju.

Ovim amandmanom udovoljilo bi se molbi i opravdanom zahtjevu oboljelih, kao i jednoglasnom zaključku nadležne Komisije za zaštitu javnog zdravlja, sanitarnu zaštitu i zaštitu stanovništva Skupštine KS.

Stav predlagača:

Amandman se ne prihvata.

O b r a z l o ž e n j e

Predloženo umanjeno sredstava na stavci 2.4.6. koja se odnosi na "Naknade za dežurne apoteke" nije moguće, jer navedena sredstva za isplatu dežurnih apoteka u potpunosti korespondiraju sa potrebnim brojem dežurnih apoteka, a sve u skladu sa propisanim brojem dežurnih apoteka (po broju stanovnika 20.000/1 apoteka) utvrđenim Standardima i normativima kako za FBiH, tako i za Kanton Sarajevo. Eventualne korekcije broja dežurnih apoteka će biti moguće nakon donošenja Pravilnika o uslovima i kriterijima za dodjelu dežurnih apoteka.



Dostaviti:

1. Predsjedavajući Skupštine Kantona Sarajevo,
- ② Skupština Kantona Sarajevo,
3. Zamjenici predsjedavajućeg Skupštine Kantona Sarajevo (3x),
4. Sekretar Skupštine Kantona Sarajevo,
5. Premijer Kantona Sarajevo,
6. Ministarstvo zdravstva Kantona Sarajevo,
7. Zavod zdravstvenog osiguranja Kantona Sarajevo,
8. Evidencija,
9. A r h i v a.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-000, Fax: + 387 (0) 33 562-076
Web: <http://vlada.ks.gov.ba>, E-mail: vlada@vlada.ks.gov.ba